



REPUBLIKA E SHQIPËRISË
MINISTRIA E DREJTËSISË
DREJTORIA E NDIHMËS JURIDIKE FALAS
KOMISIONI I ANKIMIT

Nr. 570/5 prot.

Tiranë, më 31.03.2023

VENDIM

Nr. 13 datë 31/03/2023

“Për shqyrtimin e ankimit të organizatës jofitimprurëse “Qendra e Gruas Hapa të Lehtë” ndaj Vendimit të Komisionit të Vlerësimit Nr. 5, datë 13.03.2023, për refuzimin e aplikimit për përfitimin e financimeve nga buxheti i shtetit për ofrimin e ndihmës juridike parësore të garantuar nga shteti”

Komisioni i Ankimit i përbërë prej:

Z. Erjon Ndreca - Kryetar
Znj. Migena Kazdeda - Anëtar
Znj. Arsilda Mamica - Anëtar

asistuar nga Sekretariati Teknik, sot, me datë 31.03.2023, mori në shqyrtim ankimin administrativ, për refuzimin e aplikimit për përfitimin e financimeve nga buxheti i shtetit për ofrimin e ndihmës juridike parësore të garantuar nga shteti, të organizatës “Qendra e Gruas Hapa të Lehtë”, depozituar pranë Drejtorisë së Ndhmës Juridike Falas me datë 21.03.2023, Nr. 570/4 Prot, me të dhënat e mëposhtme:

ANKUES:

“Qendra e Gruas Hapa të Lehtë” Shkodër, përfaqësuar nga znj. Denada Shpuza, Presidente.

OBJEKTI:

Ankimi ndaj Vendimit të Komisionit të Vlerësimit Nr. 5, datë 13.03.2023, administruar nga DNJF, me Nr. 570/2 Prot, datë 13.03.2023, “Për aplikimin për financim të Organizatës Jofitimprurëse Qendra e Gruas Hapa të Lehtë Shkodër”.

BAZA LIGJORE:

Ligji Nr. 111/2017, datë 14.12.2017, “Për ndihmën juridike të garantuar nga shteti”;
Vendimi i Këshillit të Ministrave Nr. 110, datë 06.03.2019, “Për përcaktimin e procedurave të rregullave të përzgjedhjes së organizatave jofitimprurëse, të autorizuar për ofrimin e ndihmës juridike parësore nga shteti, që përfitojnë financime nga buxheti i shtetit dhe mënyra e financimit të tyre”;
Urdhri i Drejtorit të Përgjithshëm të DNJF nr. 5, datë 18.01.2022, “Për miratimin e metodologjisë mbi procedurat e financimit të Organizatave Jofitimprurëse të Autorizura nga Ministri i Drejtësisë”, i ndryshuar me

Urdhri nr. 5/1, datë 28/12/2022, “Për disa ndryshime dhe shtesa në Urdhri nr. 5 datë 18.01.2022”.

Komisioni i Ankimit, pasi shqyrtoi pretendimet e ankuesit që ndër të tjera kërkon “rivlerësimin e aplikimit, duke e konsiderur dokumentacionin e përcjellë nga ana e tyre në përputhje me kërkesat e parashtruara në thirrjen e hapur”.

VËREN SE:

Referuar dokumentacionit të përcjellë në aplikimin e Organizatës Jofitimprurëse “Qendrës së Gruas Hapa të Lehtë”, rezulton se Komisioni i Vlerësimit për shqyrtimin dhe vlerësimin e aplikimeve për financim të organizatave jofitimprurëse të autorizuara nga Ministri i Drejtësisë, me Vendimin Nr. 5, datë 13.03.2023, **vendosi unanimisht refuzimin e aplikimit për financim.**

Pranë Komisionit të Ankimit në Drejtorinë e Ndhmës Juridike Falas me datë 21.03.2023, Nr. 570/4 Prot., është administruar ankimi i “Qendra e Gruas Hapa të Lehtë”, përfaqësuar nga znj. Denada Shpuza, Presidente.

Kundër Vendimit të Komisionit të Vlerësimit Nr. 5, datë 13.03.2023, në ankimin e saj me shkrim znj. Shpuza, përfaqësuese e “Qendrës së Gruas Hapa të Lehtë”, ka parashtruar se:

- i. Komisioni në vendimin e tij të arsyetuar duhet të kishte argumentuar se cilën pikë të nenit 15 të ligjit 111/2017, Qendra nuk ka respektuar në aplikim dhe jo ta linte të hapur vendimin e saj.
- ii. Termi specialist apo punonjës nuk e përjashton financierin meqenëse edhe ky i fundit është specialist.
- iii. Qendra e Gruas ka përcjellë të gjithë dokumentat origjinal apo të noterizuara sipas kërkesave të thirrjes .

Në vijim të këtyre pretendimeve, ankuesi ka kërkuar “rivlerësimin e aplikimit, duke e konsiderur dokumentacionin e përcjellë nga ana e tyre në përputhje me kërkesat e parashtruara në thirrjen e hapur”.

Rrethanat faktike të çështjes,

Pranë Drejtorisë së Ndhmës Juridike Falas është administruar kërkesa e organizatës jofitimprurëse “Qendra e Gruas Hapa të Lehtë Shkodër” protokolluar me Nr. 570 Prot., datë 01.03.2023. Organizata Jofitimprurëse ka aplikuar për financim nga Drejtoria e Ndhmës Juridike Falas për ofrimin e ndihmës juridike parësore të garantuar nga shteti.

Bazuar në kriteret e Vendimit të Këshillit të Ministrave Nr. 110, datë 06.03.2019, “Për përcaktimin e procedurave dhe të rregullave të përzgjedhjes së organizatave jofitimprurëse, të autorizuara për ofrimin e ndihmës juridike parësore të garantuar nga shteti, që përfitojnë financime nga buxheti i shtetit dhe mënyra e financimit të tyre” si dhe Urdhrit të Drejtorit të Përgjithshëm të DNJF nr. 5, datë 18.01.2022, “Për miratimin e metodologjisë mbi procedurat e financimit të Organizatave Jofitimprurëse të Autorizuara nga Ministri i Drejtësisë”, i ndryshuar me Urdhri nr. 5/1, datë

28/12/2022, "Për disa ndryshime dhe shtesa në Urdhrin nr. 5 datë 18.01.2022" organizata ka përcjellë dokumentacionin e poshtëshënuar:

- Formulari tip i aplikimit;
- Numri Unik i Identifikimit (NIPT), QKL;
- Autorizim per Ofrimin e Ndhmës Juridike Parësore dhënë nga Ministri i Drejtësisë;
- Urdhri nr. 503, datë 27.09.2022 'Për autorizimin e Organizatës Jofitimprurëse "Qendra e Gruas Hapa të Lehtë " në ofrimin e shërbimeve të Ndhmës juridike parësore të garantuar nga shteti ", i Ministrisë të Drejtësisë ;
- Statuti i Organizatës;
- Akti i themelimit;
- ID e anëtarëve të organeve vendimmarrëse dhe përfaqësuesit ligjor të organizatës;
- CV e përfaqësuesit ligjor të organizatës;
- CV e punonjësve të organizatës (avokatë; jurist; financier dhe çdo punonjës tjetër që ka rol në plotësimin e objektivave të projektit);
- Formularët e përshkrimit të punës të punonjësve të organizatës;
- Kontratat individuale të punës së punonjësve të organizatës;
- Diplomë, dëshmi, vërtetime, letër rekomandimi, trajnime, karta anëtarësimi dhe Certifikata të ndryshme të Presidentes së Qendrës znj.Shpuza;
- Vërtetim nga prokuroria dhe gjykata se anëtarët e organeve vendimmarrëse dhe përfaqësuesit ligjor të organizatës nuk janë në proces hetimi apo gjykimi për çështje që çënojnë besimin e publikut dhe ofrimin e përshtatshëm të ndihmës juridike;
- Vërtetim nga gjykata që Qendra nuk ka proces civil, penal te hapur;
- Vërtetim Gjyqësor nga Zyra e regjistrimit të OJF-ve;
- Përcjellë formulari tip i deklaramit 2023 për moseksizstencën e ndonjë konflikt interesi që çënon zhvillimin e drejtë të procesit të përzgjedhjes me titullarin e Drejtorisë së Ndhmës Juridike Falas nga përfaqësuesi ligjor i organizatës dhe punonjësit e organizatës;
- Përcjellë Certifikatë regjistrimi pronësie nga ASHK-ja, datë 26.01.2022;
- Përcjellë inventari i pajisjeve fizikë (kompjuter; printera; tavolina; karrike etj.);
- Përcjellë foto të vendodhjes dhe ambienteve të zyrave të organizatës;
- Përcjellë deklarata datë 27.02.2023 ku specifikohet vlera totale e fondit për secilin projekt të ngjashëm të tre viteve të fundit si dhe vlera për aktivitetin specifik të lidhur me ofrimin e ndihmës juridike falas;
- -Vërtetim nga DRT Shkodër nr. T07858258 datë 27.02.2023, që organizata nuk ka detyrime tatimore të papaguara;
- -Vërtetim nga DRT Shkodër nr. T07840456 datë 23.02.2023 për Denada Shpuzën. për deklaramin e pagesave të kontributeve për sigurimet shoqërore, sigurimet shëndetësore dhe tatimit mbi të ardhurat;
- -Përcjellë vërtetim i llogarisë bankare, datë 23.02.2023 i Organizatës;
- Përcjellë Pasqyrat Financiare të vitit 2020 dhe 2021 me shkresën 23.02.2023, e konfirmuar nga DRT Shkodër;
- Deklaratë tip mbi financimin e dyfishtë datë 27.02.2023 ;
- Oferta financiare e projektit sipas thirrjes;
- Deklaratë datë 27.02.2023 mbi numrin e rasteve të trajtuara nga qendra;
- Letra vlerësimi nga subjekte përfituese;
- Formular Tip Deklarimi i Konfliktit të Interesit;
- Deklaratë eksperiencë pune.

Komisioni i Vlerësimit pas administrimit të dokumentacionit të dorëzuar përmes aplikimit të “Qendrës së Gruas Hapa të Lehtë, Shkodër”, bazuar në Nenin 35 e vijues të Rregullores “Për organizimin dhe funksionimin e Drejtorisë së Ndihmës Juridike Falas”, të miratuar me Urdhrin e Ministrit Nr. 393, datë 23.11.2020, ka zhvilluar procedurat e mbledhjes së Komisionit dhe ka shqyrtuar dokumentacionin përkatës. Kjo referuar procesverbaleve të mbajtura nga Sekretariati Teknik pranë këtij Komisioni.

- Komisioni i Vlerësimit ka arsyetuar se Plani Financiar i aktiviteteve/logjistikës dhe pagesave nuk është në përputhje me Metodologjinë mbi procedurat e financimit të organizatave jofitimprurëse të autorizuara nga Ministri i Drejtësisë miratuar me Urdhrin e Drejtorit të Përgjithshëm të DNJF nr. 5, datë 18.01.2022, “Për miratimin e metodologjisë mbi procedurat e financimit të Organizatave Jofitimprurëse të Autorizuara nga Ministri i Drejtësisë”, i ndryshuar me Urdhrin nr. 5/1, datë 28/12/2022, “Për disa ndryshime dhe shtesa në Urdhrin nr. 5 datë 18.01.2022”. **Në thirrjen për financim është parashikuar që oferta financiare duhet të përfshijë juristë dhe jo financiar, ndaj ka vendosur përfundimisht refuzimin e aplikimit për financimin të Organizatës jofitimprurëse “Qendra e Gruas Hapa të Lehtë”.**

Vlerësimi i Komisionit të Ankimit mbi procedurat e ndjekura në kuadër të aplikimit të “Qendra e Gruas Hapa të Lehtë, Shkodër”, për përfitimin e financimeve nga buxheti i shtetit.

Në mbështetje të pikës 5 të VKM nr. 110, datë 6.3.2019, “Për përcaktimin e procedurave dhe të rregullave të përzgjedhjes së organizatave jofitimprurëse, të autorizuara për ofrimin e ndihmës juridike parësore të garantuar nga shteti, që përfitojnë financime nga buxheti i shtetit dhe mënyra e financimit të tyre”, Drejtoria e Ndihmës Juridike Falas ka ndërmarrë masat për publikimin në Buletinin e Njoftimeve Zyrtare të thirrjes për financimin e OJF-ve të autorizuara për ofrimin e ndihmës juridike parësore (Afati i aplikimit 31.01.2023-01.03.2023):

- Buletini nr. 6, viti 2023: <https://qbz.gov.al/eli/bnjz/2023/6/95c6a821-3a21-4291-9c12-df4f471a4c24>

Gjithashtu, thirrja për financim është publikuar edhe në faqen zyrtare të Ministrisë së Drejtësisë, në rubrikën njoftime, si vijon:

- link: <https://drejtesia.gov.al/thirrjes-se-drejtorise-se-ndihmes-juridike-falas-per-financimin-e-organizatave-jofitimprurëse-te-autorizuara-per-ofrimin-e-ndihmes-juridike-paresore/>

Në këtë kuadër me qëllim trajtimin e aplikimeve të paraqitura në afatet e mësipërme, në zbatim të VKM Nr. 110, datë 06.03.2019, me Urdhër të Ministrit të Drejtësisë Nr. 168 Prot., datë 13.02.2023, u ngrit Komisioni i Vlerësimit dhe i Ankimit.

Pranë Drejtorisë së Ndihmës Juridike Falas është administruar kërkesa e organizatës jofitimprurëse “Qendra e Gruas Hapa të Lehtë, Shkodër”, protokolluar me Nr. 570 Prot., datë 01.03.2023, e cila rezulton e autorizuar nga Ministri i Drejtësisë me Urdhër Nr. 503, datë 27.09.2022. Kjo kërkesë e rezulton e paraqitur brenda afatit të thirrjes (Afati i aplikimit 31.01.2023-01.03.2023).

Në vijim të trajtimit të këtij aplikimi, me Vendimin Nr. 5 datë 13.03.2023, Komisioni i Vlerësimit refuzoi aplikimin e organizatës jofitimprurëse “Qendra e Gruas Hapa të Lehtë, Shkodër”.

Vendimi Nr. 5, datë 13.03.2023, iu komunikua organizatës nëpërmjet shërbimit postar me Shkresën Nr. 570/3 Prot, me datë 13.03.2023. Sipas informacionit të marrë pranë shërbimit postar, organizatës i është komunikuar vendimi me datë 16.03.2023. Me shkresën e protokolluar pranë Drejtorisë me Nr. 570/4 Prot, datë 21.03.2023 organizata ka ushtruar të drejtën e ankimit. **Komisioni i Ankimit konstaton se ankesa e organizatës së depozituar me Nr. 570/4 Prot., datë 21.03.2023, është bërë brenda afatit pesë ditor të parashikuar në Pikën 16 të VKM Nr. 110, datë 06.03.2019, pasi pavarësisht se ankesa është protokolluar në DNJF në datë 21.03.2023, nga verifikimi online i adresës zyrtare elektronike të Postës Shqiptare, ku mundësohet gjurmimi i dërgesave nëpërmjesht këtij shërbimi, rezulton se ankesa e dërguar me barkodin RR348971643AA është depozituar në Zyrën Postare Shkodër në datë 19.03.2023, datë e cila konsiderohet si afat dorëzimi.**

Komisioni i Ankimit duke u bazuar në procedurat e mësipërme, mbi dokumentacionin e depozituar nga organizata, parashtrimet e paraqitura në ankim dhe vendimmarrjen e Komisionit të Vlerësimit, konstanton se:

Bazuar në Pikën 2, të VKM Nr. 110, datë 06.03.2019, “Për përcaktimin e procedurave të rregullave të përzgjedhjes së organizatave jofitimprurëse, të autorizuara për ofrimin e ndihmës juridike parësore nga shteti, që përfitojnë financime nga buxheti i shtetit dhe mënyra e financimit të tyre”, rezulton se procedurat e përfitimit të financimit të organizatave jofitimprurëse të autorizuara janë bërë duke u bazuar në parimet:

- a) konkurrueshmërisë;
- b) trajtimit të barabartë dhe mosdiskriminimit të organizatave jofitimprurëse të autorizuara, aplikuese për përfitimin e financimit;
- c) transparencës të të gjitha fazave që lidhen me shqyrtimin, vendimmarrjen dhe përzgjedhjen e organizatave jofitimprurëse të autorizuara;
- ç) kriterëve të mirëpërcaktuara dhe publike, të cilat do të mundësojnë vlerësimin e propozimeve të organizatave jofitimprurëse të autorizuara në raport me objektivat dhe prioritetet e mbështetjes financiare;
- d) efektivitetit dhe ekonomizimit në shfrytëzimin e fondeve publike, duke siguruar që të arrihen objektivat dhe prioritetet e përcaktuara me një kosto sa më të favorshme për realizimin e shërbimit të synuar;
- dh) respektimit të plotë të parimeve të llogatidhënies dhe raportimit në përdorimet e fondeve publike;
- e) financimit të shërbimeve të ndihmës juridike parësore për kategoritë e përfituesve që janë me prioritet për Drejtorinë e Ndihmës Juridike Falas dhe në interes të përfituesve të ndihmës juridike parësore të garantuar nga shteti;
- ë) ruajtjes së pavarësisë së organizatës jofitimprurëse të autorizuar;
- f) parandalimit të konfliktit të interesit, si dhe të çdo aktiviteti tjetër që rrezikon ofrimin me integritet të ndihmës juridike të garantuar nga shteti

Në Pikën 6, shkronja “b”, iv), të Vendimit të Këshillit të Ministrave Nr. 110, datë 06.03.2019 përcaktohet shprehimisht se: “Për t’u kualifikuar për të përfituar financime, organizatat jofitimprurëse të autorizuara duhet të plotësojnë kriteret e përgjithshme dhe të veçanta, përfshirë këtu edhe kërkesa të tjera specifike që mund të jenë të nevojshme për ofrimin e ndihmës juridike parësore, sipas thirrjes publike të veçantë”.

Këto kërkesa specifike të cilat lidhen me prioritetet e kërkuara dhe targetin për secilin prioritet, janë përcaktuar në Urdhrin e Drejtorit të Përgjithshëm të DNJF nr. 5, datë 18.01.2022, “Për miratimin e metodologjisë mbi procedurat e financimit të Organizatave Jofitimprurëse të Autorizura nga Ministri i Drejtësisë”, i ndryshuar me Urdhrin nr. 5/1, datë 28/12/2022, “Për disa ndryshime dhe shtesa në Urdhrin nr. 5 datë 18.01.2022”.

Evidentohet se organizata në përputhje me Pikën 6 të VKM Nr. 110, datë 06.03.2019, “Për përcaktimin e procedurave të rregullave të përzgjedhjes së organizatave jofitimprurëse, të autorizuara për ofrimin e ndihmës juridike parësore nga shteti, që përfitojnë financime nga buxheti i shtetit dhe mënyra e financimit të tyre”, ka depozituar dokumentacionin e kërkuar, referuar të cilit, Komisioni i Vlerësimit në analizë përmbajtësore ka konkluduar në mosplotësimin e kriterëve të veçanta.

Projekt-propozimi i organizatës nuk i përmbushte kriteret e veçanta të përcaktuara në Urdhrin e Drejtorit të Përgjithshëm të DNJF nr. 5, datë 18.01.2022, “Për miratimin e metodologjisë mbi procedurat e financimit të Organizatave Jofitimprurëse të Autorizura nga Ministri i Drejtësisë”, i ndryshuar me Urdhrin nr. 5/1, datë 28/12/2022, “Për disa ndryshime dhe shtesa në Urdhrin nr. 5 datë 18.01.2022”, për shkak se plani financiar i aktiviteteve/logjistikës dhe pagesave nuk është në përputhje me Metodologjinë mbi procedurat e financimit të organizatave jofitimprurëse të autorizuara nga Ministri i Drejtësisë.

Konkretisht tek Kriteret e Veçanta të Metodologjisë, në kuadër të përmbushjes së projekt-propozimit, aktivitetet kryesore që duhen ndërmarrë janë: 1. Rekrutimi i 1 (një) ose më shumë punonjësve, **juristëve për ofrimin e ndihmës juridike parësore të garantuar nga shteti nga ana e organizatës.**

Në planin financiar të dorëzuar nga Organizata Jofitimprurëse “Qendra e Gruas Hapa të Lehtë” Shkodër, Aneksi 3; Aktiviteti nr. 2, parashikon lidhjen e kontratave dhe kryerjen e pagesave mujore për 12 muaj për juristin e Grupit IV A dhe financierin e Grupit IV C. Referuar këtij propozimi rezulton se me fondet e thirrjes për financim do të paguhej një punonjës i cili nuk është parashikuar në kriteret e veçanta të përcaktuara në Urdhrin e Drejtorit të Përgjithshëm të DNJF nr. 5, datë 18.01.2022, “Për miratimin e metodologjisë mbi procedurat e financimit të Organizatave Jofitimprurëse të Autorizura nga Ministri i Drejtësisë”, i ndryshuar me Urdhrin nr. 5/1, datë 28/12/2022, “Për disa ndryshime dhe shtesa në Urdhrin nr. 5 datë 18.01.2022”.

Në këto kushte projektprozimi bie ndesh me parashikimet e pikës 6, shkronja “b”, iv), të Vendimit të Këshillit të Ministrave Nr. 110, datë 06.03.2019, ku përcaktohet shprehimisht se: “Për t’u kualifikuar për të përfituar financime, organizatat jofitimprurëse të autorizuara duhet të plotësojnë kriteret e përgjithshme dhe të veçanta, **përfshirë këtu edhe kërkesa të tjera specifike që mund të jenë të nevojshme për ofrimin e ndihmës juridike parësore, sipas thirrjes publike të veçantë**”.

Lidhur me pretendimin se vendimmarrja e Komisionit të Vlerësimit nuk ka argumentuar apo arsyetuar se cilin nga parashikimet e nenit 15 të ligjit nr. 111/2017 “Për ndihmën juridike falas”, sqarojmë se në pikën 3 të nenit 15 të ligjit, parashikohet se: “...Organizatave jofitimprurëse të autorizuara për dhënien e ndihmës juridike parësore përfitojnë financime nga buxheti i shtetit, pas një procesi konkurrues dhe transparent përzgjedhjeje. Procedura, rregullat e përzgjedhjes së

organizatave jofitimprurëse të autorizuarra, që përfitojnë financime nga buxheti i shtetit dhe mënyra e financimit të tyre përcaktohen me vendim të Këshillit të Ministrave... ”.

Në zbatim të këtij parashikimi Këshilli i Ministrave ka nxjerrë Vendimin nr. 110, datë 06.03.2019.

Për sa argumentuam më lart Organizata Jofitimprurëse “Qendra e Gruas Hapa të Lehtë” Shkodër, përmes projektpropozimit nuk ka plotësuar kriteret e veçanta të parashikuara në pikën 6 të kësaj VKM-je, e si pasojë kriteret e parashikuara në nenin 15/3 të ligjit nr. 111/2017 “Për ndihmën juridike falas”.

Sa i përket pretendimit se Organizata Jofitimprurëse “Qendra e Gruas Hapa të Lehtë” Shkodër ka përcjellë të gjithë dokumentacionin origjinal apo të noterizuar sipas kërkesave të thirrjes, sqarojmë se ky pretendim qëndron pasi rezulton se dokumentacioni i paraqitur ka qenë në përputhje me Metodologjinë, por sqarojmë se në asnjë pikë të Vendimin Nr. 5 datë 13.03.2023, të Komisionit të Vlerësimit, nuk është arsyetuar se shkak i refuzimit të aplikimit ka qenë dorëzimi i ndonjë dokumenti në format jo origjinal apo të panoterizuar, **por mospërmbushja e pikës 6, shkronja “b”, iv), të Vendimit të Këshillit të Ministrave Nr. 110, datë 06.03.2019.**

PËR KËTO ARSYE

Duke marrë në konsideratë faktin se bazuar në Pikën 16 të VKM-së Nr. 110, datë 06.03.2019, Komisioni i Ankimit ka në tagrin e tij vlerësimin e përputhshmërisë të procedurave të ndjekura nga Komisioni i Vlerësimit me parashikimet e këtij akti dhe jo themelin e vendimmarrjes.

Duke marrë në konsideratë faktin se ankimi i depozituar nga “Qendra e Gruas Hapa të Lehtë, Shkodër”, ka të bëjë me themelin e vendimmarrjes dhe jo me anën procedurale, konkludojmë se trajtimi i objektit të ankesës del jashtë tagrit të Komisionit të Ankimit.

Mbështetur në rrethanat e faktit, hapat proceduriale të pasqyruara më lart, Komisioni konstaton se procedurat janë ndjekur në përputhje me Vendimin e Këshillit të Ministrave Nr. 110, datë 06.03.2019, “Për përcaktimin e procedurave të rregullave të përzgjedhjes së organizatave jofitimprurëse, të autorizuarra për ofrimin e ndihmës juridike parësore nga shteti, që përfitojnë financime nga buxheti i shtetit dhe mënyra e financimit të tyre”; Rregulloren “Për organizimin dhe funksionimin e Drejtorisë së Ndihmës Juridike Falas”, të miratuar me Urdhrin e Ministrit Nr. 393, datë 23.11.2020, dhe Urdhrin e Drejtorit të Përgjithshëm të DNJF nr. 5, datë 18.01.2022, “Për miratimin e metodologjisë mbi procedurat e financimit të Organizatave Jofitimprurëse të Autorizura nga Ministri i Drejtësisë”, i ndryshuar me Urdhrin nr. 5/1, datë 28/12/2022, “Për disa ndryshime dhe shtesa në Urdhrin nr. 5 datë 18.01.2022”.

Në këto rrethana, bazuar në Pikën 17 dhe 18, VKM Nr. 110, “Për përcaktimin e procedurave të rregullave të përzgjedhjes së organizatave jofitimprurëse, të autorizuarra për ofrimin e ndihmës juridike parësore nga shteti, që përfitojnë financime nga buxheti i shtetit dhe mënyra e financimit të tyre”, Komisioni i Ankimit unanimisht:

VËNDOSI:

1. Mospranimin e ankimit të paraqitur nga Organizata Jofitimprurëse “Qendra e Gruas Hapa të Lehtë, Shkodër”.
2. Kopje e këtij vendimi t’i njoftohet Organizatës jo më vonë se dy ditë nga marrja e vendimit.
3. Ngarkohet Drejtoria e Ndihmës Juridike Falas për njoftimin dhe publikimin e këtij vendimi sipas parashikimeve ligjore.
4. Kundër këtij vendimi ushtrohet ankim në Gjykatën Administrative kompetente, brenda afateve të parashikuara në legjislacionit në fuqi.

KRYETAR
Erjon Ndreca

ANËTAR
Migena Kazdeda

ANËTAR
Arsilda Mamica

U shpall në Tiranë,
me datë 31.03.2023.

Ky vendim hartohet në 5 (pesë) kopje.